

5 января, предпразд. Рождества Христова, Мучеников, иже в Крите

5 января, предпразд. Рождества Христова.

Мучеников, иже в Крите

ВЕЧЕРНЯ

Стихиры на «Господи, воззвах»

Канонарх: Глас 4, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя./ Услы́ши мя, Гóсподи./
Гóсподи, воззва́х к Тебе́, услы́ши мя:/ вонми́ гла́су моле́ния
моего́,/ внегда́ воззва́ти ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ возде́яние
руку́ мою́/ же́ртва вече́рняя. // Услы́ши мя, Гóсподи.

Предпразднство Рождества Христова на 3

На 6, стих: Аще беззако́ния на́зриши, Гóсподи, Гóсподи, кто постои́т? /

Я́ко у Тебе́ очище́ние есть.

Предпра́зднственныя пёсны,/ мы́сли пра́востию,/ Христо́ва
Рождества́ предвозгласи́м:/ Отцу́ бо и Ду́ху Сый равноче́стен,/ за
милосе́рдие в на́ше оде́явся сме́шение,/ има́ть роди́тися в
Вифле́еме гра́де;/ Егóже Рождество́ несказáнное// па́стырие со
А́нгелы воспéша.

Стих: Имене́ ра́ди Твоего́ потерпе́х Тя, Гóсподи, потерпе́ душа́ моя́ в сло́во
Твое́, /

упова́ душа́ моя́ на Гóспода.

В кимва́лех возгласи́м,/ в пёснях воскликне́м:/ Христо́во явлéние
показáся,/ проро́ческая пропове́дания конéц при́яша:/ Егóже бо
прореко́ша плóтию челове́ком яви́тися,/ ражда́ется во святе́м
верте́пе,/ и в я́слех возлега́ет, я́ко Отроча́,// и пелена́ми повивáет-
ся, я́ко Младене́ц.

5 января, предпразд. Рождества Христова, Мучеников, иже в Крите

На 4, стих: От стражи ўтренния до но́щи, от стражи ўтренния, /
да упова́ет Изра́иль на Го́спода.

Вифле́еме, угото́вися, / Еде́ме, ны́не отве́рзися: / роди́ти Всесвя-
та́я идет; / Небеса́ да веселя́тся, / да игра́ют челове́цы: / в я́слех
Жи́знь, в верте́пе Богáтый, / приходи́т мно́жества ра́ди ми́лости, /
нищету́ Ада́мову воспри́им // кроме́ преложе́ния и смеше́ния.

мучеников, иже в Крите на 3

Глас 4: Стих: Я́ко у Го́спода ми́лость, и мно́гое у Него́ избавле́ние, /
и То́й изба́вит Изра́иля от все́х беззакóний его́.

Десяти́це Богозва́нная / и свещá десято́свѣтлая, / Божѣ́ственными
сия́нии оза́ряющи церко́вное исполне́ние, / столпи́
непоколе́бленнии, / зве́зды свѣ́тлыя, / иже зе́млю онебеси́вше /
светлостью́ велича́йших по́двигов, // похва́лами священными
велегла́сно да восхва́ляются днесь.

На 2, стих: Хвали́те Го́спода вси́ язы́цы, /
похва́лите Его́ вси́ лю́дие.

Да похва́лится Феоду́л, / Зо́тик же и Помпíй. / Васи́лид, Евпо́р,
Агафо́пус же и Саторни́н, / Гелáсий же и Божѣ́ственный Евáрест, /
с ними́же и Евникиáн / ны́не да почтíтся пѣ́снями, /
всеблаготи́шная сущим в бу́ри пристáнища, / иже прѣ́лесть
обличíвше // и вене́ц победíтельный приѣ́мше.

Стих: Я́ко утверди́ся ми́лость Его́ на нас, /
и и́стина Господня́ пребыва́ет во ве́к.

Кри́тская прозябе́ния, / церко́вная утвержде́ния / и ве́рных неувя-
да́емая украше́ния, / райсти́и сладкодохнове́ннии цвѣ́ти
честни́и, / благоприя́тная Христо́ва и кра́сная заколе́ния / и воз-

5 января, предпразд. Рождества Христова, Мучеников, иже в Крите

ложения Небеснаго храма,/ десятицу Троицы святую// страсто-
терпцев почтим.

Слава, глас 3:

Слава Отцу, и Сыну, и Святому Духу.

Предпразднственный днесь мучеников настá праздник,
рождественный нам предподписующ день,/ от Солнца Солнце,
от Девы Бога, явльшася плотию, проповедающ,/ десятица
мучеников, в Крите крепко пострадавшая,/ венцы победы от
Небесé прияша./ К нимже возопийм:/ лице святоизбранный,
моли́те Христа, святѣи мученицы,// о верою совершающих
всечестную память вашу.

И ныне, глас 3:

и ныне, и присно, и во веки веков. Аминь.

Благоукрасися, Вифлееме,/ отверзися бо Едем;/ готовися,
Евфрафо,/ обновляется бо Адам и Ева с ним;/ клятва бо
разорися, спасение миру процвете,/ и души праведных
украшаются/ яко дар дароносия, вместо мира пение приносяще,
спасение душевное и нетление приемлюще./ Се бо в яслех
возлежай/ предповелевает песнопение духовное совершати
вопиющим непрестанно:// Господи, слава Тебе.

Стихиры на стиховне

Предпразднство Рождества Христова на 3

Канонарх: Глас 6, Безмерная мудрость Божия,

Безмерная мудрость Божия,/ дом Себе паче ума от Девы созда
Христос/ и хощет в вертепе и яслех безсловесных// плотию ро-
дѣтися паче смѣсла.

Стих: Бог от юга придет /

5 января, предпразд. Рождества Христова, Мучеников, иже в Крите

и Святѣй из горѣ приосенѣнныя чащи.

**Явился еси пророком, Христѣ,/ яко мѣчно бе видети Тя,
Зиждителя,/ в послѣдних же временах всем показался еси
человеком// во граде Вифлеѣме, Человек быв.**

Стих: Гѣсподи, услѣшах слух Твой и убояхся; /
Гѣсподи, разумѣх дела Твоя и ужасѣхся.

**Обтечѣ, возвещаящи звездѣ/ Сѣлнце Правды – Христѣ – звездо-
словцем/ во граде Вифлеѣме,/ и Ангели пастырем ныне благо-
вествуют,// с нимиже потецѣм, Богомудрии.**

Слава, глас 2:

Слава Отцѣ, и Сѣну, и Святѣму Дѣху.

**Крит предпразднствует днесь Рождествѣ Христѣво/ в пѣмяти
страстотѣрцев./ Тѣмже молитвами их, Гѣсподи,// спаси дѣши
наша.**

И ныне, глас 2:

и ныне, и прѣсно, и во вѣки векѣв. Амѣнь.

**Се время приближися спасѣния нашего,/ гѣтовися, вертепе,
Дѣва приближается родити;/ Вифлеѣме, землѣ Иудова, красуйся
и веселися,/ яко из тебѣ возсия Господѣ наш./ Услѣшите, горѣ и
хѣлми/ и окрѣстныя страны Иудѣйския,/ яко грядѣт Христѣс,/ да
спасѣт, егѣже создѣ, человека,// яко Человеколюбѣц.**

Тропари

Тропарь мучеников, иже в Крите, глас 4.

**Мѣченицы Твѣй, Гѣсподи,/ во страдѣниях своѣх венцѣй приѣша
нетлѣнныя от Тебѣ, Бѣга нашего,/ имущѣ бо крѣпость Твою,**

5 января, предпразд. Рождества Христова, Мучеников, иже в Крите

мучителей низложѣша,/ сокрушѣша и демонов немощныя дерзости./ Тех молитвами// спаси души наша.

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь предпразднства Рождества Христова, глас 4:

Готовися, Вифлееме,/ отверзися всем, Едеме,/ красуйся, Евфрафо,/ яко древо живота в вертепе процвете от Девы:/ рай бо Она чрево явися мысленный,/ в немже Божественный сад,/ от негоже ядше, живи будем,/ не, якоже Адам, умрем.// Христос раждается прежде падший возставити образ.